



Inatsisartunut ilaasortaq  
Tillie Martinussen  
Suleqatigiissitsisut

**Politiini akissarsiatigut atugassarititaasut pillugit § 37 naapertorlugu  
apeqqummut nr. 2018-080-imut akissutit**

Asasara Tillie Martinussen.

29-05-2018  
Suliap nr. 2018 - 11247  
Akt. id. 7927281

Apeqqtinnut qujanarujussuaq. Politiinut isertitsivinnilu sulisunut il.il. akissarsiatigut atugassarititaasunut tunngasut suliassa qarfiuvoq Naalakkersuisunit annertuumik soqutigineqartoq.

Naalakkersuisut apeqqtugisatit marluusut ataatsimut akissavaat:

Postboks 260  
3900 Nuuk  
Oqarasuaat (+299) 34 50 00  
Naqitanik nassitsigasuaat +299  
34 66 66  
E-mail: iniian@nanoq.gl  
www.naalakkersuisut.gl

- 1. Naalakkersuisut pilersaaruteqarnerlutik Politiit kattuffiannik, Moderniseringsstyrelsimik kalaallillu nunaanni politiinik oqaloqateqarnissaminnut - Kalaallit Nunaanni politiit assigiimmik atugaqarnissaat pillugu Danmarkimut naleqqiullugu?  
- Taamaattoqarsimappat - taava qaqugumita tamanna pissamaarpa?**
- 2. Naalakkersuisut pilersaaruteqarnerlutik paarnaarussivinni betjentit kattuffiannik oqaloqateqarnissaminnut aamma Kalaallit Nunaanni isertitsivinni betjentinik taamatut suliallit assigiimmik atugaqalernissaat pillugu, danskit paarnaarussiviini betjentit atugaannut assigusunik atugaqalersitsinissaq siunertaralugu?  
- Taamaattoqarsimappat - taava qaqugumita tamanna pissamaarpa?**

Inatsisinik atuutsitsinnermut suliassa qarfimmi atorfillit assigiimmik atugaqarnissaat Naalakkersuisut pingaartippaat. Ukiorpasuit matuma siorna sumi inunngorsimaneq tunngavigalugu akissarsiaqartitsineq atorunnaarsinneqarpoq. Taamaattumik inatsisinik atuutsitsinnermi suliassa qarfimmi atorfillit akornanni akissarsiat atorfinitsitaanermilu atugassarititaasut assigiinngittariaqanngillat.


Isumaginninnermut Inatsisinillu Atortitsinnermut Naalakkersuisoqarfimmit Justitsministeriaqarfik ingerlaavartumik oqaloqatiginneqartarpoq, kiisalu Justitsministeriaqarfimmut Justitsministerimullu assigiimmik akissarsiaqarnissaq pillugu ajornartorsiuteqarneq uteqqiattumik apuunneqartarsimalluni.

Inatsisinik atuutsitsinnermut suliassa qarfimmi suleqatigiinnut asigiinngitsunut akissarsiat atorfinitsitaanermilu atugassarititaasut pillugit nassuiaammik suliaqarlutik Justitsministeriaqarfiup naalakkersuisoqarfik ilisimatippaa.

Aasap ingerlanerani justitsministerimik Søren Pape Poulsenimik ataatsimeeqateqarnissara suliniutigissavara. Tassunga atatillugu assigiimmik akissarsiaqartitsinissaq pillugu apeqqtu saqqummiunneqarumaarpoq.

Tullisaanik alloriartoqartinnagu nassuiaatip pineqartup inernerit Naalakkersuisunit takuneqaqqaarusupput.

Med venlig hilsen  
Inussiarnersumik inuulluaqqusillunga



Anthon Frederiksen